

Adroddiad Ymgynghori

Cynnig i gau Ysgol Fabanod Cwm Glas



Cynnig: Mae disgyblion Ysgol Fabanod Cwm Glas ar hyn o bryd yn pontio i Ysgol Coed Y Brain ar gyfer Cyfnod Allweddol 2. Mae'r cynnig yn ceisio pontio'r disgyblion Cyfnod Sylfaen er mwyn sicrhau darpariaeth ysgol gynradd gynhwysol i bob oedran o fis Medi 2024.

Bydd hyn yn arwain at gau Ysgol Fabanod Cwm Glas.

Y Cyfnod Ymgynghori Ffurfiol: 28 Medi 2023 – 9 Tachwedd 2023

Cyhoeddir yr adroddiad hwn yn unol â gofynion Deddf Safonau a Threfniadaeth Ysgolion (Cymru) 2013 a Chod Trefniadaeth Ysgolion 2018.



CYNNWYS	
Cyflwyniad <ul style="list-style-type: none"> ➤ Crynodeb Gweithredol ➤ Goblygiadau Statudol ➤ Diben yr Adroddiad ar yr Ymgynghori 	
Cynnig <ul style="list-style-type: none"> ➤ Beth ydym ni'n cynnig ei wneud? ➤ Beth sy'n llywio'r cynnig hwn? ➤ Gwerthusiad o'r Opsiynau ➤ Manteision ac Anfanteision 	
Y Broses Ymgynghori <ul style="list-style-type: none"> ➤ Y Broses Ymgynghori ➤ Ymgysylltu â Rhanddeiliaid ➤ Gwybodaeth am yr Ymgynghori ➤ Dulliau Ymateb 	
Ymatebion i'r Ymgynghori <ul style="list-style-type: none"> ➤ Ymatebion i'r Ymgynghori ➤ Ymateb y pwyllgor craffu ➤ Ymateb Estyn (crynodeb) 	
Llais y Dysgwr <ul style="list-style-type: none"> ➤ Ymgysylltiad Disgyblion / Cyngor Ysgol <ul style="list-style-type: none"> ○ Ysgol y mae'r Cynnig yn effeithio'n uniongyrchol arni ○ Ysgolion eraill y nodwyd eu bod wedi'u heffeithio 	
Ystyriaethau Eraill <ul style="list-style-type: none"> ➤ Egluro'r Ymgynghori ➤ Dewisiadau Amgen Rhesymol a Nodwyd Argymhelliad 	
Camau Nesaf <ul style="list-style-type: none"> ➤ Gwneud Penderfyniadau ➤ Adrodd, Hysbysu a Chyhoeddi Gwybodaeth 	
Supporting Information <ul style="list-style-type: none"> ➤ Atodiad 1: Dogfennau Ymgynghori Allweddol ➤ Atodiad 2: Ymateb Estyn (Fersiwn Llawn) 	

Mae'r ddogfen hon ar gael yn Gymraeg ac yn Saesneg. Gellir hefyd gofyn am y wybodaeth mewn fformatau ac ieithoedd eraill, yn ogystal ag ar ffurf copi caled. Cysylltwch â ni ar 01443 864817 i drefnu hyn.



CYFLWYNIAD

Crynodeb Gweithredol

Prif ddiben ysgolion yw darparu addysg ac, yn unol â chanllawiau Llywodraeth Cymru, dylai unrhyw achos dros gau fod yn gadarn ac er budd gorau'r ddarpariaeth addysg yn yr ardal.

Wrth ystyried a yw cau yn addas, mae sylw arbennig yn cael ei roi i unrhyw ddewisiadau amgen rhesymol ac effaith gyffredinol cau ar y gymuned leol a sut mae modd cynorthwyo ymgysylltu rhieni a disgyblion â'r ysgol amgen ac unrhyw gyfleusterau y gallai eu cynnig. Ar gyfer cynigion sy'n gysylltiedig ag ysgolion, mae Cod Trefniadaeth Ysgolion 2018 yn darparu canllawiau statudol clir ar y prosesau y mae angen eu dilyn. Cynnal ymarfer ymgynghori yw un o'r camau cychwynnol yn natblygiad unrhyw gais ac mae'n ddarostyngedig i broses graffu gan Lywodraeth Cymru a chymeradwyaeth y Cabinet.

O'r 28 Medi 2023 hyd at y 9 Tachwedd 2023, cynhaliwyd ymarfer ymgynghori.

Diben yr ymgynghoriad oedd cael barn ar y cynnig. Ar hyn o bryd, mae disgyblion Ysgol Fabanod Cwm Glas yn pontio i Ysgol Gynradd Coed-y-Brain yng Nghyfnod Allweddol 2. Mae'r cynnig yn golygu pontio'r disgyblion yn y Cyfnod Sylfaen, er mwyn cyflwyno darpariaeth ysgol gynradd bob oed cynhwysol o fis Medi 2024. Bydd hyn yn arwain at gau Ysgol Fabanod Cwm Glas. Yr Adroddiad ar yr Ymgynghori hwn yw'r dull a ragnodwyd gan God Trefniadaeth Ysgolion 2018 er mwyn myfyrio, adolygu ac asesu er mwyn darparu'r wybodaeth sydd ei hangen ar y Cabinet i lunio penderfyniad gwybodus i fwrw ymlaen â'r cynnig i'r cam nesaf, diwygio'r cynnig gan ystyried gwybodaeth bellach sydd wedi dod i law drwy'r broses ymgynghori neu gau'r cynnig hwn heb gymryd camau pellach.

Mae'r Adroddiad wedi'i rannu'n adrannau gwahanol, gyda'r nod o:

- Amlinellu'r prosesau ymgynghori a gynhaliwyd
- Darparu eglurhad mewn cysylltiad â'r wybodaeth a ddarparwyd a'r ymgysylltiad ag ymgynghoreion
- Crynhoi pob un o'r materion a godwyd gan yr ymgynghoreion
- Cyflwyno ymateb llawn Estyn i'r ymgynghori
- Ymateb i faterion a godwyd drwy egluro, diwygio'r cynnig neu wrthod y pryderon, gyda rhesymau ategol

Goblygiadau Statudol

Cyhoeddwyd yr adroddiad hwn yn unol â gofynion [Deddf Safonau a Threfniadaeth Ysgolion \(Cymru\) 2013](#) a [Chod Trefniadaeth Ysgolion 2018](#).

Cyhoeddir yr adroddiad ar yr Ymgynghori ar wefan Cymunedau Cynaliadwy ar gyfer Dysgu Caerffili ac mae copïau papur ar gael ar gais. Cyhoeddir yr holl wybodaeth yn Gymraeg a Saesneg. Hefyd, cynhyrchwyd crynodeb sy'n addas i blant er mwyn sicrhau bod yr wybodaeth yn cael ei darparu mewn fformat hygyrch i unrhyw blant a phobl ifanc sy'n cael eu heffeithio gan y cynigion.

Diben yr Adroddiad ar yr Ymgynghori

Mae cyhoeddi'r adroddiad hwn yn cyflawni dyletswydd y Cyngor yn unol â Chod Trefniadaeth Ysgolion 2018.

Roedd y cyfnod ymgynghori'n cyflwyno cyfle i bobl ddysgu am y cynnig, holi cwestiynau a rhoi sylwadau. Ni chafodd unrhyw ymatebion negyddol a wnaed yn ystod y cyfnod ymgynghori eu hystyried fel gwrthwynebiadau i'r cynnig ond fel sylwadau negyddol.

Dim ond ar ôl cyhoeddi hysbysiad statudol y gellir cofrestru gwrthwynebiadau i gynllun.

Mae'r Adroddiad ar yr Ymgynghori yn rhoi amlinelliad o'r prosesau a ddilynwyd, mae'n darparu eglurder ar y materion a'r sylwadau a dderbyniwyd gan yr ymgynghoreion, sicrhau bod safbwyntiau plant a phobl ifanc sy'n cael eu heffeithio gan y cynnig yn cael eu mynegi ac, yn y pen draw, mae'n darparu sydd ei hangen ar y Cabinet i wneud un o'r penderfyniadau canlynol:

- Bwrw ymlaen â'r cynnig
- Gwneud newidiadau i'r cynnig
- Peidio bwrw ymlaen â'r cynnig

Mae manylion llawn y broses o wneud y penderfyniad a chamau'r cynnig, fel y'u hamlinellir yng Nghod Trefniadaeth Ysgolion 2018, wedi'u cyhoeddi fel rhan o'r Ddogfen Ymgynghori gychwynnol ac mae ar gael i'r cyhoedd drwy wefan y Cyngor gyda chopïau papur ar gael ar gais.

CYNNIG

Beth rydym yn cynnig ei wneud?

Rydym yn cynnig:

- **Cau Ysgol Fabanod Cwm Glas**

Mae disgyblion Ysgol Fabanod Cwm Glas ar hyn o bryd yn pontio i Ysgol Coed Y Brain ar gyfer Cyfnod Allweddol 2. Mae'r cynnig yn ceisio pontio'r disgyblion Cyfnod Sylfaen er mwyn sicrhau darpariaeth ysgol gynradd gynhwysol i bob oedran o fis Medi 2024.

Bydd hyn yn arwain at gau Ysgol Fabanod Cwm Glas.

Beth sy'n llywio'r cynnig hwn?

Oherwydd bod nifer y disgyblion yn Ysgol Fabanod Cwm Glas yn gostwng, ac mae disgwyl y bydd yn gostwng ymhellach, cafodd cyfarfod ei drefnu gan y Pennaeth a'r Corff Llywodraethu gyda chynrychiolwyr o'r Awdurdod Lleol, gan gynnwys y Prif Swyddog Addysg, i drafod hyfywedd yr ysgol yn y dyfodol. Cafodd ei gytuno yn y cyfarfod na allai'r ysgol bellach gynnal cyllideb gytbwys a lefel staffio briodol, felly gwnaed penderfyniad gan Bennaeth a Chorff Llywodraethu yr ysgol i gau Ysgol Fabanod Cwm Glas o fis Gorffennaf 2024.

Gwerthusiad o'r Opsiynau

Mae cynllunio a datblygu cynigion effeithiol ar gyfer trefniadaeth ysgolion yn hollbwysig i nod Llywodraeth Cymru o drawsnewid byd addysg yng Nghymru a darparu canlyniadau addysgol gwell, gydag ymrwymiad i gynyddu effeithiolrwydd ysgolion a lleihau anghydraddoldebau mewn lefelau cyflawniad rhwng ardaloedd, grwpiau ac unigolion breintiedig a difreintiedig.

Dilynwyd Canllawiau Llywodraeth Cymru ar Achosion Busnes mewn perthynas â defnyddio'r dull Fframwaith Opsiynau er mwyn nodi'r nifer mwyaf posibl o opsiynau dichonadwy, gaganolbwyntio ar y dimensiynau allweddol canlynol: cwmpas, datrysiad gwasanaeth, cyflenwi gwasanaeth, a threfniadau gweithredu ac ariannu.

Mae gwerthusiad o'r opsiynau yn darparu cyfle i helpu cynghorau i wneud penderfyniad gwybodus ar sail tystiolaeth ar sut i gyflenwi gwasanaethau. Gwna hynny drwy ystyried manteision ac anfanteision cymharol nifer o fodelau cyflenwi gwahanol (gan gynnwys y ffordd bresennol o gyflenwi'r gwasanaeth).

Mae'r fethodoleg yn helpu'r rhai sy'n gwneud penderfyniadau i roi ystyriaeth gymharol i'r pwyntiau canlynol:

- Buddioldeb – y graddau y mae pob opsiwn yn cyflawni amcanion a blaenoriaethau strategol rhanddeiliaid
- Hyfywedd – y graddau y mae pob opsiwn yn hyfyw ac yn gynaliadwy'n ariannol
- Ymarferoldeb – y graddau y gellir gweithredu pob opsiwn.

Fel rhan o'r cyflwyniad o'r cynnig presennol, cynhaliwyd gwerthusiad o'r opsiynau.

Roedd y cam gwerthuso opsiynau yn galluogi i wahanol fodelau cyflenwi gael eu harchwilio a'u gwerthuso yn erbyn set o feini prawf penodol, a fyddai'n aros at ddewis yr opsiwn a ffafir.

Tabl 1: Arfarnu'r Rhestr Hir o Opsiynau	
Opsiwn	Opsiynau o'r Rhestr Hir: Disgrifiad
Opsiwn 1 *	Gwneud Dim: Dim newid i drefniadau presennol yr ysgol
Opsiwn 2	Gwneud y Lleiafswm: Lleihau lefelau staffio yn Ysgol Fabanod Cwm Glas trwy ostwng i 1 dosbarth
Opsiwn 3	Gwaith Canolraddol: Cydleoli gwasanaethau yn Ysgol Fabanod Cwm Glas i wrthbwyso costau cynnal yr ysgol
Opsiwn 4	Gwaith Mawr: Cydwethio/Ffedereiddio Ysgol Fabanod Cwm Glas ag ysgol arall yn yr ardal
Opsiwn 5	Gwneud yr Uchafswm: Pontio disgyblion Ysgol Fabanod Cwm Glas i Ysgol Coed-y-Brain ar Lefel Sylfaen a chau Ysgol Fabanod Cwm Glas

Cafodd pob opsiwn ei werthuso yn erbyn yr amcanion buddsoddi yn y Ddogfen Ymgynghori ac i ba raddau roedd yn bodloni'r Ffactorau Llwyddiant Critigol. Roedd y cam hwn yn rhan bwysig o'r broses er mwyn codi cwestiynau pwysig yn gynnar a helpu datblygu cynigion.

Arweiniodd hyn at naill ai opsiynau'n cael eu diystyru neu eu cario ymlaen i'w hystyried ymhellach ar y rhestr fer gydag opsiwn yn y pen draw wedi'i nodi fel y ffordd orau ymlaen. Mae'r ymarfer ymgynghori wedi'i seilio ar yr opsiwn sydd wedi'i nodi fel y ffordd orau ymlaen, gan fod yr holl opsiynau eraill wedi'u diystyru ar hyn o bryd.

Mae'r broses a gafodd ei defnyddio wedi'i hamlinellu'n fanwl yn y Ddogfen Ymgynghori a'r canlyniad oedd:

Cafodd **Opsiwn 5** ei nodi fel yr opsiwn gorau, sef, **Pontio disgyblion Ysgol Fabanod Cwm Glas i Ysgol Coed-y-Brain ar Lefel Sylfaen a chau Ysgol Fabanod Cwm Glas**

Manteision ac Anfanteision

Mae rhai heriau cyffredin y mae pob Awdurdod Lleol yn eu hwynebu wrth fabwysiadu cynigion newydd. Mae'r mwyafrif helaeth o bolisiau'r Cyngor yn cael eu cyflenwi drwy brosiectau a rhaglenni amrywiol. Felly, mae'n hollbwysig bod prosiectau'n cael eu cyflenwi'n llwyddiannus er mwyn gwireddu'r manteision a fwriadwyd i ddinasyddion.

Mae tystiolaeth yn dangos mai'r ffordd orau i sicrhau proses gyflenwi lwyddiannus yw drwy sefydlu prosiectau yn gywir o'r dechrau. Achosion mwyaf cyffredin methiant yw: diffyg amcanion clir, adnoddau annigonol, costau ac amserlen gor-uchelgeisiol, ymhlith achosion eraill sydd wedi effeithio ar y lefel a'r swm o fudd y gellir ei gwireddu, ac y gellir eu hosgoi drwy fynd i'r afael â hwy yn ystod camau cynnar prosiect.

Fel rhan o'r broses o ddatblygu'r cynnig, nodwyd nifer o fanteision ac anfanteision, fel y'u hamlinellwyd yn y Ddogfen Ymgynghori. Roedd y broses ymgynghori yn gyfle i ymgynghori â rhanddeiliaid perthnasol er mwyn deall beth oedd yn ganlyniadau cadarnhaol yn eu barn hwy a pha ganlyniadau negyddol y gellir eu creu.

Mae'r Cyngor yn cydnabod bod gan bobl anghenion, gofynion ac amcanion gwahanol a byddwn ni'n gweithio'n weithredol yn erbyn pob math o wahaniaethu drwy hybu cysylltiadau da a pharch at ein gilydd yn ein cymunedau a rhyngddyn nhw. Cafodd Asesiad Effaith Integredig ei gynnal i gychwyn trafodaeth a gwahodd sylwadau ynghylch a yw egwyddorion y cynnig yn cael eu cefnogi.

Mae'r holl sylwadau wedi'u cofnodi a bydd aelodau'r Cabinet yn cael copïau o'r holl ymatebion sydd wedi dod i law yn ystod y cyfnod ymgynghori fel rhan o'r broses gwneud penderfyniadau, a hynny yn eu fformatau gwreiddiol.



Y BROSES YMGYNGHORI

Y Broses Ymgynghori

Mae'r broses ymgynghori wedi dilyn canllawiau Llywodraeth Cymru, a gyflwynir yng Nghod Trefniadaeth Ysgolion 2018.

Ymgysylltu â Rhanddeiliaid

Drwy fodel [TîmCaerffili - Yn Well gyda'n Gilydd](#), mae'r Cyngor yn ymrwymedig i sicrhau y darperir gwasanaethau o ansawdd uchel, sy'n canolbwyntio ar ddinasyddion i'r cymunedau yn ein bwrdeistref sirol. Wrth sicrhau bod gwasanaethau cyhoeddus yn addas i'r dyfodol, rydym yn cydnabod bod angen defnyddio gweithgareddau ymgysylltu effeithiol sy'n rhan ganolog o'n proses benderfynu - [Darllenwch fwy am ein dull o Ymgynghori ac Ymgysylltu yma](#)

Ar gyfer y cynnig hwn, mae'n rhaid i'n proses ymgynghori ddilyn canllawiau statudol Llywodraeth Cymru fel y nodir yng Nghod Trefniadaeth Ysgolion 2018.

Mae'r ymgynghoreion a ganlyn wedi cael gwybod am ein cynigion drwy lythyr neu e-bost:

Tabl 2: Rhestr o Ymgynghoreion	
Disgyblion/Cynghorau Disgyblion *	Gweinidogion Cymru
Rhieni, darpar rieni, gwarcheidwaid a gofalwyr holl ddisgyblion*	Pob Aelod Cynulliad ac Aelod Seneddol sy'n cynrychioli'r ardal a wasanaethir gan yr ysgolion y mae'r cynnig yn effeithio arnynt yn uniongyrchol*
Pennaeth, Staff a Chyrff Llywodraethu*	Aelodau lleol o Gyngor Bwrdeistref Sirol Caerffili
Cyfarwyddwyr Addysg Awdurdodau Cyfagos	Cynghorau Cymuned a Thref lleol
Cymdeithasau Staff Addysgu a Staff Cymorth	Estyn
Y Rhwydwaith Rhieni	Y Fforwm Addysg Gymraeg
Cyfarwyddwyr / Byrddau Addysg Esgobaethol	Consortiwm De Ddwyrain Cymru (EAS)
Comisiynwyr yr Heddlu a Throsedd Heddlu Gwent a Heddlu De Cymru	Cynghrair Trafnidiaeth De-ddwyrain Cymru (SEWTA)
Y Bartneriaeth Datblygu'r Blynyddoedd Cynnar a Gofal Plant	Mudiad Meithrin, Menter Iaith a darparwyr meithrin gwirfoddol

**ysgolion y bydd y cynnig yn effeithio'n uniongyrchol arnynt, neu y mae'r cynnig yn debygol o effeithio arnynt, yn unig*

Yn ogystal â chynghori'r rhai roedd yn rhaid i ni eu cynghori o dan y meini prawf rhanddeiliaid, mae'r canlynol hefyd wedi cael eu hysbysu am ein cynigion yn ysgrifenedig:

- Pob pennaeth ysgol yn y Fwrdeistref Sirol

Gwybodaeth am yr Ymgynghori

Mae Cod Trefniadaeth Ysgolion 2018 yn datgan, wrth gynnal proses ymgynghori ar gynnig sy'n ymwneud ag ysgol, mae'n rhaid i'r Cyngor gyhoeddi gwybodaeth er mwyn

galluogi proses dryloyw, gytbwys ac agored ar gyfer gwneud penderfyniadau.

Mae'n rhaid cyhoeddi'r ddogfen ymgynghori ar ddiwrnod ysgol ac mae'n rhaid caniatáu o leiaf 42 diwrnod i'r ymgynghoreion ymateb i'r ddogfen, gydag o leiaf 20 o'r rhain yn ddyddiau ysgol fel y'u diffinnir gan Adran 579 Deddf Addysg 1996. Agorodd y cyfnod ymgynghori ddydd Iau 28 Medi 2023 (diwrnod ysgol) a daeth i ben am hanner nos, dydd Iau 9 Tachwedd 2023.

Fel rhan o'r cynnig hwn, cafodd y ddogfennaeth ganlynol ei chynhyrchu:

- Llythyr Hysbysu'r Ymgynghori
- Dogfen Ymgynghori
- Crynodeb o'r Ymgynghori sy'n addas i Blant
- Ffurflen Ymateb i'r Ymgynghori
- Aseiad Effaith Integredig

Cyhoeddwyd yr holl ddogfennaeth yn Gymraeg a Saesneg, gan gydymffurfio â gofynion Safonau'r Gymraeg. Roedd gwybodaeth ar gael hefyd mewn ieithoedd a fformatau eraill ar gais, fodd bynnag, ni dderbyniwyd unrhyw geisiadau o'r fath fel rhan o'r broses hon.

Cyflwynwyd copïau papur o'r ddogfennaeth i'r ysgolion a oedd yn cael eu heffeithio'n uniongyrchol gan y cynnig, gan gynnwys crynodeb addas i blant i'w drafod gyda'r disgyblion.

Yn ogystal â hysbysu'r ymgynghoreion yn ysgrifenedig ynghylch y cynnig, cefnogwyd y broses o rannu gwybodaeth drwy wasanaeth negeseuon testun yr ysgol yn uniongyrchol i rieni a staff.

Cynhyrchwyd crynodeb addas o'r ymgynghori i blant er mwyn cefnogi'r broses ymgynghori gyda disgyblion yr ysgolion sy'n cael eu heffeithio ac sy'n cyflwyno gwybodaeth mewn ffordd sy'n berthnasol i'w dealltwriaeth debygol hwy, ac a oedd yn eu galluogi i gyfranogi yn y broses ymgynghori a ffurfio barn wybodus. Yn ogystal â'r ddogfennaeth hon, rhoddodd staff addysgu lleol gymorth i blant a phobl ifanc a oedd yn dymuno cyflwyno ymateb i'r ymgynghoriad yn eu dewis fformat ac iaith.

Defnyddiwyd cyfryngau cymdeithasol y Cyngor hefyd.

Dulliau Ymateb

Fel yr amlinellwyd yn y Ddogfen Ymgynghori, gallai unrhyw un a oedd yn dymuno gwneud sylwadau ar y cynnig wneud hynny'n ysgrifenedig drwy:

- Cwblhau ffurflen ymateb ar-lein ar wefan y Cyngor
- Cwblhau profforma ymateb a'i bostio i'r Tîm Cymunedau Cynaliadwy ar gyfer Dysgu yng Nghaerffili
- E-bostio sylwadau i'r Tîm Cymunedau Cynaliadwy ar gyfer Dysgu yng Nghaerffili

Hefyd, cafodd disgyblion yr ysgolion mae'r cynnig yn effeithio'n uniongyrchol arny'n nhw gyfle i gymryd rhan yn y broses drwy sesiynau â ffocws ar lais y disgyblion.

Cafodd y ffurflenni ymateb eu cynllunio mewn ffordd a fyddai'n casglu'r wybodaeth berthnasol a oedd ei hangen i gyflawni goblygiadau'r Cyngor yn unol â'r Cod Trefniadaeth Ysgolion ar gyfer cynnal ymgynghori sy'n gysylltiedig ag addasiad rheoledig i ysgol

arbennig.

Cynhaliwyd yr ymgynghori hwn er mwyn casglu barn yr ymgynghoreion ynghylch y cynnig i adleoli'r ysgol. Mae'r safbwyntiau hynny wedi'u hymgorffori yn y ddogfen hon, a byddant yn cael eu cyhoeddi a'u hystyried gan y Cabinet wrth benderfynu i fwrw ymlaen i'r cam hysbysiad Statudol ai peidio. Cynhelir Proses Cais Cynllunio ar wahân mewn cysylltiad â'r cynnig hwn. Disgrifiwyd y prosesau statudol ar wahân yn y ddogfen ymgynghori ac mae unrhyw sylwadau negyddol a dderbyniwyd fel rhan o'r broses wedi'u cofnodi fel rhai negyddol.



YMATEBION I'R YMGYNGHORI

Ymatebion i'r Ymgynghori

Cafwyd cyfanswm o 21 o ymatebion yn ystod y broses ymgynghori.

Sylwer: Nid yw'r ffigur uchod na'r data yr adroddwyd arno ar gyfer Cwestiynau 1 i 7 yn cynnwys yr ymatebion a dderbyniwyd gan Estyn, y Pwyllgor Craffu nac a gasglwyd fel rhan o unrhyw sesiynau ymgysylltu â disgyblion. Amlinellir y rhain yn fanylach yn ddiweddarach yn y ddogfen hon.

Roedd cyfanswm yr ymatebion a gafwyd i'r gwahanol ddulliau a ddefnyddiwyd yn ystod y cyfnod ymgynghori fel a ganlyn:

- 17 o ymatebion trwy gyfrwng Arolwg ar Lein
- 4 o ymatebion trwy e-bost
- 0 o ymatebion trwy'r post

Roedd 0 o ymatebion (0%) yn Gymraeg.

Ni chafodd y Tîm Cymunedau Dysgu Cynaliadwy unrhyw geisiadau i'r ddogfennaeth gael ei darparu mewn unrhyw fformat nac iaith arall.

CWESTIWN 1

Gofynnwyd i'r ymgynghorai gadarnhau'r cynnig yr oeddent yn ymateb iddo fel rhan o'r broses.

CWESTIWN 2

Gofynnwyd i'r ymgynghoreion ddewis categori oedd yn eu disgrifio orau mewn perthynas â'r cynnig ar gyfer yr ysgol dan sylw. Roedd y dewisiadau ar gyfer hynny wedi'u pennu i ddangos ymgysylltiad gyda'r grwpiau allweddol sydd wedi'u hamlinellu yn y Cod Trefniadaeth Ysgolion. Roedd y rhain yn cynnwys disgybl, rhiant, aelod o staff, llywodraethwr ysgol, aelod etholedig, trigolyn lleol, grŵp ac arall.

O'r rhai a ymatebodd, cafodd y categorïau canlynol eu dewis:

9%	29%	14%	5%	24%	19%
(2)	(6)	(3)	(1)	(5)	(4)
Disgybl	Rhieni	Aelodau Staff	Llywodraethwyr Ysgol	Preswylydd Lleol	Arall

Os oedd pobl yn dewis 'Arall' roedd cyfle wedyn iddynt egluro ymhellach fel y dymument.

CWESTIYNAU 3 i 7

Fel rhan o'r broses ymgynghori, gofynnwyd am wybodaeth gysylltu sylfaenol, yn cynnwys enw, cyfeiriad ac e-bost. Roedd y data seicograffig yma'n cael ei gasglu fel cymorth i gael darlun o'r ymgynghoreion ac i alluogi tîm Cymunedau Cynaliadwy ar gyfer Dysgu ddeall tueddiadau mewn data ymateb a grwpiau ymateb. Byddai hynny o gymorth i roi'r Adroddiad Ymgynghori hwn at ei gilydd.

Gan fod modd casglu gwybodaeth ar gyfer llawer o ddibenion, fe gyfeiriwyd at hysbysiad preifatrwydd Cyngor Bwrdeistref Sirol Caerffili ar gyfer ymgynghori/arolygon. Mae'r hysbysiad yn rhoi amlinelliad o'r diben a'r sail gyfreithiol ar gyfer casglu'r wybodaeth, defnyddio data a'r cyfnodau amser i gadw data.

Yng nghyswllt yr Adroddiad Ymgynghori, bydd y Cabinet yn cael crynodeb ar wahân o'r sylwadau a gafwyd wrth ymgynghori. Dylid nodi bod unrhyw sylwadau y barnwyd eu bod yn dramgwyddus neu'n rhoi arwydd o enw pwy oedd yn ymateb wedi eu tynnu neu eu golygu.

CWSTIWN 8

Fel rhan o'n dyletswydd o dan y Cod Trefniadaeth Ysgolion 2018, rhaid i'r ymgynghoreion gael y dewis i ofyn i gael eu hysbysu pan fydd yr Adroddiad Ymgynghori'n cael ei gyhoeddi. Fe gasglwyd gwybodaeth ar gyfer cysylltu â hwynt i'r diben hynny, a'r dewis cyntaf ar gyfer cysylltu fydd trwy e-bost, os cafwyd cyfeiriad e-bost oddi wrth yr ymatebydd.



Mae 17 o'r 21 wnaeth ymateb wedi gofyn i gael eu hysbysu. Cafodd yr unigolion hynny eu hychwanegu at y rhestr hysbysu a byddwn yn cysylltu â hwynt ar yr un adeg â'r rhanddeiliaid pan ddaw'r ddogfen hon yn gyhoeddus trwy gyfrwng gwefan y Cyngor. Bydd copïau papur o'r dogfennau ar gael os gofynnir amdanynt.

CWESTIWN 9

Gall yr ymgynghoreion roi eu barn o blaid neu yn erbyn y cynnig.


Gofynnwyd i'r ymgynghoreion ddweud pa un o'r datganiadau a ganlyn sydd agosaf at eu barn nhw ar y cynnig. Fe'u hatgoffwyd i ddarllen y dogfennau ymgynghori cyn rhoi eu hymateb yn ystod yr ymgynghori, ac na fyddai sylwadau anffafriol a wnaed yn ystod y cyfnod ymgynghori'n cael eu trin fel gwrthwynebiadau ar yr adeg honno.



Dyma'r dewisiadau a roddwyd:

- Yn cefnogi'r cynnig

- Dim barn gref y naill ffordd na'r llall
- Ddim yn cefnogi'r cynnig

O'r 21 o ymatebion a ddychwelwyd, mae 1 yn cefnogi'r cynnig, nid yw 14 yn ei gefnogi, roedd 6 naill ai ddim yn teimlo'n gryf y naill ffordd na'r llall neu wedi methu â dewis opsiwn.





Mae'n briodol tynnu sylw'r Cabinet at y posibilrwydd y gallai'r sylwebaeth a roddir fel rhan o Gwestiwn 10 i 12 gynnig golwg ddyfnach i farn yr ymgynghoreion. Hefyd ni ddylai'r ymateb a roddwyd i gwestiwn 9 gael ei ystyried ar ei ben ei hun, er enghraifft lle ceir ymatebion dyblyg neu ymatebion lluosog gan un cartref.

CWESTIYNAU 10 i 12

Blwch testun rhydd oedd hwn a oedd yn galluogi ymgynghoreion i roi sylwadau ychwanegol ynghylch pam eu bod yn cytuno neu'n anghytuno â'r cynnig fel mae wedi'i amlinellu yn y Ddogfen Ymgynghori, neu i awgrymu newidiadau neu opsiynau amgen sy'n gallu gwella'r cynnig.

Cafodd yr holl sylwadau eu darllen a'u dadansoddi.

Daeth rhai themâu cyffredinol yn amlwg o'r ymgynghori:

- Prosesau Pontio ac Effaith

- Goblygiadau Staffio
- Datblygiadau yn y Dyfodol Mae'r themâu hyn wedi'u hamlinellu'n fanylach yn yr adran am 'Egluro'r Ymgynghoriad'.

CWESTIYNAU 13 i 18

Yn unol â Chynllun Cydraddoldeb Strategol 2016-2020 Cyngor Bwrdeistref Sirol Caerffili a'r ddogfen Canllawiau Ymgynghori a Monitro 2016, fe gynhwyswyd fersiwn byrrach o'r holiadur Cydraddoldeb a Monitro fel rhan o'r ymateb i'r ymgynghori. Roedd hynny i gefnogi cynllunio effeithiol ac i sicrhau sampl cynrychioliadol er mwyn canfod unrhyw drafferthion o ran cydraddoldeb.

Dyma'r canlyniadau ar gyfer y rhai wnaeth gwblhau'r adran Cydraddoldeb yn yr ymatebion:

Rwy'n ...			
Benyw	14	Am hunan ddisgrifio	0
Gwryw	7	Gwell gen i beidio â dweud	0

Oedran			
O dan 16	3	40-65	9
16-25	0	Dros 65	1
26-39	4	Gwell gen i beidio â dweud	4

Anabled			
Ydw	2	Nac Ydw	13
Gwell gen i beidio â dweud	6		

Hoff iaith			
Saesneg	14	Arall	0
Cymraeg	0	Gwell gen i beidio â dweud	7

CWESTIYNAU 20 i 21

Rhaid i ni sicrhau bod y Gymraeg yn cael ei thrin yn yr un modd â'r Saesneg.

Cafodd ymatebwyr gyfle i wneud awgrymiadau am sut gallwn ni gynyddu cyfleoedd i bobl ddefnyddio'r Gymraeg neu gael mynediad at wasanaethau yn Gymraeg. Yn ogystal, roedd ymatebwyr yn gallu rhoi sylwadau am sut i newid y cynnig i gael (rhagor o) effaith gadarnhaol ar y Gymraeg.

Tynnodd 2 ymgynghorai sylw at y ffaith y byddai cau'r ysgol yn golygu un cyfleuster yn llai a allai ddarparu cyfleoedd Cymraeg.

CWESTIWN 22

O ran y goblygiadau cydraddoldeb y tynnwyd sylw atynt gan ymatebwyr, dywedodd 0 ymateb bod eu penderfyniad wedi'i ddylanwadu gan y rhestr a amlinellwyd yn y ffurflen ymateb i'r ymgynghori

Ymateb y Pwyllgor Craffu

Mae Pwyllgor Craffu Addysg a Gwasanaethau Cymdeithasol y Cyngor yn ymgynghorai ar gyfer unrhyw ddatblygiadau polisi neu wasanaeth mewn perthynas ag addysg yn y Fwrdeistref Sirol.

Cafodd cyfarfod aml-leoliad ei gynnal (Tŷ Penallta ac MS Teams) ddydd Mawrth 17 Hydref 2023 am 5.30pm.

Fel rhan o'r cyfarfod hwn, trafodwyd y cynnig yn ymwneud â chau Ysgol Fabanod Cwm Glas fel eitem 8 ar yr agenda.

Roedd yr holl ddogfennau ymgynghori ar gael i'r aelodau fel rhan o'r pecyn adroddiadau agenda ac roedd swyddogion sy'n gysylltiedig â'r cynnig ar gael i ateb cwestiynau. Mae unrhyw ymholiadau a godwyd wedi'u cydnabod a'u cynnwys fel rhan o'r dadansoddiad themâu.

Mae recordiad o'r sesiwn ar gael i'w weld:

[Cyfarfod Pwyllgor Craffu Addysg a Gwasanaethau Cymdeithasol](#)

Ymateb Estyn

O dan Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion 2018 mae angen i'r Cyngor, fel y cynigiwr, yrru hysbysiad o'r ymgynghori i Estyn.

Estyn yw arolygiaeth addysg a hyfforddiant Cymru a'u gweledigaeth hwy yw gwella ansawdd addysg a hyfforddiant a deilliannau ar gyfer yr holl ddysgwyr yng Nghymru. Fodd bynnag, nid yw Estyn yn gorff mae'n ofynnol iddo weithredu'n unol â'r Cod, ac nid yw'r Ddeddf yn gosod unrhyw ofynion statudol ar Estyn mewn perthynas â materion trefniadaeth ysgolion. Felly, fel corff yr ymgynghorir ag ef, bydd Estyn yn rhoi eu barn ddim ond ar gryfderau cyffredinol cynigion trefniadaeth ysgolion.

Mae Estyn wedi ystyried agweddau addysgol y cynigion. Cafodd yr ymateb llawn oddi wrth Estyn ei gynnwys fel Atodiad i'r adroddiad hwn. Fodd bynnag, dyma grynodedb ohono:

“Mae Estyn o'r farn fod y cynnig yn debygol o gynnal safon y ddarpariaeth addysg yn yr ardal, o leiaf.”

Mae'r Cyngor yn cydnabod ymateb Estyn.



LLAIS Y DYSGWR


Mae gan bobl ifanc yr hawl i fynegi eu barn ar bob mater sy'n effeithio arnynt ac i'w barn gael ei glywed a chael ystyriaeth briodol yn unol â'u hoed a'u haeddfedrwydd.

Ymgysylltiad Disgyblion / Cyngor Ysgol

Mae'r Cyngor wedi cydnabod bod llais pobl ifanc yn ymwneud â'u cynnwys fel rhai sy'n cymryd rhan weithredol mewn datblygu, rheoli a gwella eu profiad addysgol ac fel myfyrwyr. Mae angen i hynny fod wrth galon y gwaith cynllunio, darparu ac arfarnu.

Bydd y Tîm Cymunedau Dysgu Cynaliadwy yng Nghaerffili yn sicrhau, wrth gyflwyno unrhyw gynnig, bod trefniadau addas yn cael eu gwneud i ymgynghori â disgyblion a'u cynnwys nhw

2) Pe baen nhw'n mynd i ysgol newydd, beth hoffen nhw ei gael yno?



Ysgolion eraill lle nodwyd y bydd y datblygiad yn effeithio arnynt

Yr ysgol arall a gafodd ei nodi fel 'wedi'i heffeithio' mewn perthynas â'r cynnig hwn oedd Ysgol Gynradd Coed-y-Brain. Roedd cyswllt â Phennaeth yr ysgol yn ystod y cyfnod ymgynghori lle cafodd y cynnig ymgynghori ei drafod, a chafodd y disgyblion, y corff llywodraethu a staff yr ysgol eu gwahodd i ddarparu eu hymatebion fel rhan o'r broses ymgynghori. Lle mae gwybodaeth wedi'i chyflwyno, mae ymatebion wedi'u cynnwys fel rhan o'r atodiad ar wahân sydd ar gael i'r Cabinet.

YSTYRIAETHAU ERAILL

Eglurhad i'r Ymgynghori

Wrth ddadansoddi'r holl sylwadau mewn ymateb i'r ymgynghoriad a ddaeth i law fel rhan o'r cyfnod ymgynghori, daeth nifer o themâu i'r amlwg.

Tabl 3: Crynodeb o themâu'r ymatebion

Thema	Trosolwg	Nifer o Grybwylladau
Pontio	Lleoliad Babanod i Leoliad Cynradd	8
	Prosesau Derbyn	1

	Capasiti Ysgol Gynradd Coed-y-Brain	1
	Pellter teithio i Ysgol Gynradd Coed-y-Brain	2
Staffio	Goblygiadau staff	5
Datblygiadau yn y dyfodol	Defnyddio safle Ysgol Fabanod Cwm Glas	2

Er mwyn cynorthwyo'r Cabinet yn y broses benderfynu, bydd yr wybodaeth ganlynol yn cael ei darparu gan Swyddogion y Cyngor sy'n ymwneud â llunio'r cynnig drwy ymateb er mwyn cael

Pontio

- Lleoliad Babanod i Leoliad Cynradd

Tynnodd detholiad o ymgylchreolion sylw at eu profiad o fanteision disgyblion yn mynychu ysgol lai, er enghraifft, cael yr ymdeimlad cryf hwnnw o gymuned ysgol yr oedden nhw'n ei ystyried o bosibl sy'n cael ei gollu mewn amgylchedd ysgol gynradd fwy. Fodd bynnag, dylid cydnabod bod Ysgol Fabanod Cwm Glas yn ysgol sy'n bwydo Ysgol Gynradd Coed-y-Brain, ac mae'r ddwy yn rhannu'r un dalgylch ac wedi'u lleoli yn Llanbradach, lle mae disgyblion yn pontio yng Nghyfnod Allweddol 2 ar hyn o bryd.

Mae ysgol gynradd yn darparu amgylchedd lle gall plant weithio a chwarae gyda'i gilydd dros gyfnod hwy o amser gan ddatblygu gwell dealltwriaeth a gwerthfawrogiad o gryfderau, sgiliau a phersonoliaethau amrywiol ei gilydd. Mae hyn wedi cael effaith gadarnhaol ar sgiliau cymdeithasol, datrys problemau a datblygu perthnasoedd rhwng holl aelodau'r gymuned.

- Prosesau Derbyd

Mynegodd un ymatebwr bryderon ynghylch pontio disgyblion i Ysgol Gynradd Coed-y-Brain. Bydd yr Awdurdod yn gweithio gydag ysgolion a rhieni a disgyblion i sicrhau pontio esmwyth rhwng yr ysgolion.

Pe bai'r Cabinet yn penderfynu cau Ysgol Fabanod Cwm Glas, bydd yr holl ddisgyblion sydd ar y gofrestr ar hyn o bryd yn gallu pontio i Ysgol Gynradd Coed-y-Brain, ar yr adeg berthnasol, yn amodol ar ddewis y rhieni.

Mae rhagor o wybodaeth am y broses dderbyn ar gyfer darpar ddisgyblion ar gael yma:

[Dechrau Ysgol – Canllaw i Drefniadau Derbyd a Gwasanaethau Addysg 2024-25](#)

- Capasiti Ysgol Gynradd Coed-y-Brain

Ceisiodd aelod craffu gadarnhad o ran gallu Ysgol Gynradd Coed-y-Brain i dderbyn disgyblion presennol o Ysgol Fabanod Cwm Glas ac unrhyw alw ychwanegol yn y dyfodol. Mae Ysgol Fabanod Cwm Glas yn bwydo'n naturiol i Ysgol Gynradd Coed-y-Brain, ac ar sail lleoedd gwag presennol a rhagamcanion ar gyfer y dyfodol, mae ganddi ddigon o le i ddarparu ar gyfer disgyblion presennol a disgyblion y dyfodol.

- Pellter teithio i Ysgol Gynradd Coed-y-Brain

Cododd detholiad o ymgynghoreion bryderon ynghylch effaith y lleoliad newydd ar deithio dysgwyr. Mae Ysgol Fabanod Cwm Glas ac Ysgol Gynradd Coed-y-Brain yn rhannu'r un dalgylch ac maen nhw wedi'u lleoli ym Mhentref Llanbradach tua milltir oddi wrth ei gilydd gyda llwybrau teithio llesol presennol wedi'u sefydlu.

Fel sydd wedi'i amlinellu yn y Ddogfen Ymgynghori, mae disgwyl mai bach iawn fydd effaith debygol trefniadau teithio gwahanol o ganlyniad i'r cynnig, er ein bod ni'n cydnabod y gallai rhai disgyblion presennol Ysgol Fabanod Cwm Glas ganfod eu hunain yn byw yn nes at safle Ysgol Gynradd Coed-y-Brain ac eraill yn canfod eu hunain ymhellach i ffwrdd er mai bach iawn yw'r gwahaniaeth rhwng y safleoedd.

Mae'r disgyblion hynny sy'n byw yn y dalgylch ac sy'n byw mwy na 1.5 milltir i ffwrdd o'u hysgol ddalgylch agosaf yn gymwys i gael cludiant am ddim o dan bolisi trafndiaeth Caerffili sy'n fwy hael na'r gofyniad deddfwriaethol o dan Fesur Teithio gan Ddysgwyr (Cymru) 2008.

Staffio

- Goblygiadau staff

Roedd pryderon ynghylch cyflogaeth y staff presennol yn Ysgol Fabanod Cwm Glas yn y dyfodol. Bydd Tîm Adnoddau Dynol y Cyngor yn gweithio'n agos gyda'r holl bartïon perthnasol i sicrhau bod prosesau yn cael eu dilyn, a chymorth yn cael ei ddarparu yn ôl yr angen, yn dibynnu ar y canlyniad terfynol.

Datblygiadau yn y dyfodol

- Defnyddio safle Ysgol Fabanod Cwm Glas

Roedd pryderon gan gymdogion lleol ynghylch y defnydd o safle Ysgol Fabanod Cwm Glas yn y dyfodol. Yn amodol ar gymeradwyo'r cynnig a chau Ysgol Fabanod Cwm Glas, byddai adeilad a safle'r ysgol bresennol wedyn yn cael eu dosbarthu fel rhai nad oes eu hangen mwyach ac yn dod yn Ased Corfforaethol heb ei ddyrannu. Byddai defnydd o'r adeilad a'r safle yn y dyfodol wedyn yn destun cyfres o brofion llym i sicrhau bod defnydd cyfreithlon y Cyngor, yr Iaith Gymraeg a defnydd Cymunedol Lleol yn cael eu hystyried yn y lle cyntaf.

Dewisiadau Amgen Rhesymol a Nodwyd

Yn dilyn y cyfnod ymgynghori, mae'n ofynnol i'r Cyngor gynnal asesiad pellach ar gyfer y cynnig. Pwrpas yr asesiad pellach hwn yw ystyried unrhyw wybodaeth bellach sydd wedi dod i law drwy'r ymgynghoriad neu fel arall.

Fel sydd wedi'i amlinellu yn y Ddogfen Ymgynghori, y cynnig dan ystyriaeth yw cau Ysgol Fabanod Cwm Glas. Hwn oedd yr hoff opsiwn a gafodd ei nodi drwy'r broses arfarnu opsiynau o'i gymharu â ffactorau llwyddiant critigol sef Cydweddiad Strategol, Cydweddiad Addysgol, Hygyrchedd, Cydweddiad Ariannol ac Effaith Amgylcheddol.

Drwy'r broses ymgynghori a'r sylwadau sydd wedi dod i law, mae tystiolaeth bod lefel gadarnhaol o gymorth mewn perthynas ag Ysgol Fabanod Cwm Glas. Fodd bynnag, nid oes unrhyw ddewisiadau amgen rhesymol wedi'u hamlygu nad ydyn nhw eisoes wedi'u diystyru yn y Cam Arfarnu Opsiynau o ganlyniad i'r Broses Ymgynghori.



Argymhelliad

Wrth adolygu'r cynnig i ystyried unrhyw wybodaeth bellach sydd wedi dod ymlaen trwy'r ymgynghori ac wrth ystyried yr effaith debygol ar ansawdd a safonau mewn addysg, y gymuned a threfniadau teithio, argymhelliad yr adroddiad hwn yw bod y cynnig yn cael ei symud ymlaen fel yr amlinellir yn y Ddogfen Ymgynghori:

- **Cau Ysgol Fabanod Cwm Glas**

Mae disgyblion Ysgol Fabanod Cwm Glas ar hyn o bryd yn pontio i Ysgol Coed Y Brain ar gyfer Cyfnod Allweddol 2. Mae'r cynnig yn ceisio pontio'r disgyblion Cyfnod Sylfaen er mwyn sicrhau darpariaeth ysgol gynradd gynhwysol i bob oedran o fis Medi 2024.

Bydd hyn yn arwain at gau Ysgol Fabanod Cwm Glas.

Gwneud Penderfyniad

Er mwyn cyflawni ein diwygiadau ar draws y system gyfan, bydd angen ymrwymiad mentrus arnom i gydweithredu effeithiol ynghyd ag integreiddio gwasanaethau lle bo hynny'n briodol. Bydd hyn yn cynnwys Llywodraeth Cymru, y proffesiwn addysgu a'r gweithlu addysg ehangach, ein partneriaid allweddol mewn awdurdodau lleol, awdurdodau esgobaethol, gwasanaethau rhanbarthol, Estyn ac eraill. Bydd gweithredu unrhyw gynnydd yn llwyddiannus yn gofyn am ymgysylltiad effeithiol a gonest rhwng pob agwedd ar y system addysg a'n cymunedau lleol ac rydym yn ymrwymedig i ddarparu'r amodau er mwyn galluogi hyn i ddigwydd.

Bydd gofyn i Aelodau'r Cabinet:

- a) Ystyried yr wybodaeth sydd yn yr Adroddiad Ymgynghori.
- b) Cymeradwyo'r argymhelliad, trwy bleidlais, i symud ymlaen i Rybudd Statudol mewn perthynas â'r cynnig i gau Ysgol Fabanod Cwm Glas erbyn Gorffennaf 2024.

Adrodd, Hysbysu a Chyhoeddi Gwybodaeth

Pe bai'r Cabinet yn penderfynu bwrw ymlaen â'r cynnig, bydd Hysbysiad Statudol yn cael ei gyhoeddi sy'n darparu cyfnod rhybudd o 28 diwrnod ar gyfer gwrthwynebiadau. Mae Deddf Safonau a Threfniadaeth Ysgolion (Cymru) 2013 yn darparu bod unrhyw un sy'n dymuno gwrthwynebu cynnig trefniadaeth ysgol yn cael cyfle i wneud hynny. Er mwyn cael eu hystyried yn wrthwynebiadau statudol, rhaid cyflwyno gwrthwynebiadau yn ysgrifenedig a'u hanfon at y Cyngor o fewn y cyfnod o 28 diwrnod.

Yna bydd y Cabinet yn ystyried canlyniad yr Hysbysiad Statudol mewn cyfarfod yn y dyfodol ac yn penderfynu a ddylid gweithredu'r cynnig ar ôl rhoi ystyriaeth ddyledus i'r holl wybodaeth a ddarparwyd.

Os bydd gwrthwynebiadau, bydd y Cyngor yn cyhoeddi adroddiad gwrthwynebiad yn darparu crynodeb o'r gwrthwynebiadau ac ymateb y Cabinet i'r gwrthwynebiadau hynny o fewn 7 diwrnod neu'r diwrnod y penderfynwyd ar y cynnig. Bydd yr adroddiad hwn ar

gael i bawb ei weld ar wefan y Cyngor a bydd copïau papur ar gael ar gais.

GWYBODAETH GEFNOGOL

Atodiad 1 :

[Llythr Hysbysu](#)

[Dogfen Ymgynghori](#)

[Asesiad Effaith Integredig](#)

Atodiad 2:

Ymateb Llawn Estyn

Ymateb Estyn i'r cynnig i gau Ysgol Fabanod Cwm Glas o fis Gorffennaf 2024.

Cyflwyniad

Paratowyd yr adroddiad hwn gan Arolygwyr Ei Fawrhydi dros Addysg a Hyfforddiant yng Nghymru.

O dan delerau Deddf Safonau a Threfniadaeth Ysgolion (Cymru) 2013 a'i Chod cysylltiedig, mae'n ofynnol i gynigwyr anfon dogfennau ymgynghori i Estyn. Fodd bynnag, nid yw Estyn yn gorff y mae'n ofynnol iddo weithredu yn unol â'r Cod ac nid yw'r Ddeddf yn gosod unrhyw ofynion statudol ar Estyn o ran materion trefniadaeth ysgolion. Felly, fel corff yr ymgynghorir ag ef, bydd Estyn yn rhoi eu barn ar rinweddau cyffredinol cynigion trefniadaeth ysgolion.

Mae Estyn wedi ystyried yr agweddau addysgol ar y cynnig ac wedi llunio'r ymateb canlynol i'r wybodaeth a ddarparwyd gan y cynigiwr.

Crynodeb / Casgliad

Mae Cyngor Bwrdeistref Sirol Caerffili yn ymgynghori ar eu cynnig i gau Ysgol Fabanod Cwm Glas a fydd yn dod i rym o fis Gorffennaf 2024.

Mae Estyn o'r farn fod y cynnig yn debygol o gynnal safon y ddarpariaeth addysg yn yr ardal, o leiaf.

Disgrifiad a manteision

Mae'r Cyngor wedi cyflwyno rhesymeg glir yn amlinellu'r rhesymau ar gyfer y cynnig. O ganlyniad i ostyngiad parhaus ac arfaethedig yn y cofrestrau yn Ysgol Fabanod Cwm Glas, ni all y pennaeth a'r corff llywodraethol osod cyllideb gytbwys gyda lefel staffio briodol mwyach, felly penderfynwyd bwrw ymlaen â'r penderfyniad i'w chau.

O dan y trefniadau presennol, mae disgyblion yn Ysgol Fabanod Cwm Glas yn pontio i Ysgol Gynradd Coed Y Brain ar ddiwedd Blwyddyn 2. Mae'r cynnig hwn yn ceisio dod â chyfnod pontio ymlaen i ddechrau cyfnod y blynyddoedd cynnar, a fyddai'n galluogi disgyblion i dderbyn darpariaeth gynradd bob oed o fis Medi 2024.

Mae'r Cyngor wedi darparu disgrifiad sy'n briodol o fanwl o'r cynnig ynghyd ag amcan o amserlen ar gyfer gweithdrefnau statudol. Gan fod disgyblion eisoes yn pontio i Ysgol Gynradd Coed Y Brain, mae'r Cyngor yn datgan nad oes unrhyw ofynion ar gyfer trefniadau dros dro. Mae'r ddogfen ymgynghori yn datgan y byddai cymorth ychwanegol ar gael i deuluoedd, lle mae angen.

Mae'r Cyngor wedi cynnwys 'Dogfen Ymgynghori Plant a Phobl Ifanc' ddefnyddiol sy'n cydfynd â dogfen y prif ymgynghoriad. Mae'r ddogfen hon yn cyfeirio at restr o Gwestiynau Cyffredin sydd ar gael ar wefan y Cyngor. Fodd bynnag, nid yw'n ymddangos bod y rhain ar waith eto.

Mae'r Cyngor wedi amlinellu manteision ac anfanteision y cynnig hwn yn briodol. Mae'r prif fanteision a nodwyd yn ostyngiad sylweddol yn nifer y lleoedd dros ben, ynghyd â darparu cyfleoedd ehangach ar gyfer disgyblion mewn darpariaeth gynradd fwy. Mae'r ymgynghoriad yn amlinellu buddion ychwanegol o ran hwyluso trefniadau ar gyfer teuluoedd sydd â brodyr a chworydd oedran cynradd, sy'n ymddangos yn briodol.

Mae'r Cyngor yn datgan y bydd yn rheoli risgiau'n rhagweithiol yn unol â'i weithdrefnau rheoli risg. Mae'r ymgynghoriad yn nodi bod trefniadau pontio eisoes wedi hen ennill eu plwyf rhwng y ddwy ysgol, ac felly byddai unrhyw risgiau yn fach iawn. Mae'n ymddangos bod hwn yn ddatganiad rhesymol.

Mae'r Cyngor wedi ystyried ystod o opsiynau sy'n cynnwys ystyried gostyngiad mewn lefelau staffio, defnydd ar y cyd o'r adeilad i helpu gwrthbwysu costau a chydweithio neu ffedereiddio ag ysgol arall yn yr ardal. Mae'r Cyngor wedi nodi rhesymau ynglŷn â pham mae pob un ohonynt wedi cael ei ddiystyru o blaid cau'r ysgol. Mae'n ymddangos bod y rhesymau hyn yn deg a rhesymol. Fodd bynnag, er bod y Cyngor yn datgan y bydd mwy o drafodaethau'n cael eu cynnal gydag ysgolion ynglŷn â'r effaith ar staffio, ni chaiff yr effaith bosibl ar staff ei gwneud yn eglur o fewn yr adran 'Manteision' ac 'Anfanteision'.

Mae'r Cyngor wedi ystyried effaith y cynnig ar drefniadau cludiant. Mae'r ddwy ysgol yn rhannu'r un dalgylch, a'r pellter rhwng y ddwy ysgol yw 1.1 milltir. Ar hyn o bryd, mae disgyblion o Ysgol Fabanod Cwm Glas yn pontio i Ysgol Gynradd Coed Y Brainer ddiwedd Blwyddyn 2 ac mae llwybrau 'teithio diogel' eisoes wedi'u sefydlu. Nid yw'r Cyngor yn rhagweld y bydd y cynnig yn effeithio ar drefniadau cludiant, ac mae'n ymddangos bod hwn yn ddatganiad rhesymol.

Mae'r Cyngor wedi dangos effaith y cynnig ar leoedd dros ben. Ar hyn o bryd, mae 50.88% o leoedd dros ben yn Ysgol Fabanod Cwm Glas a 32.23% o leoedd dros ben yn Ysgol Gynradd Coed Y Brain. Mae'n rhesymol i'r cynnig awgrymu y bydd lleoedd dros ben yn gostwng yn sylweddol o ganlyniad i'r bwriad i gau.

Mae'r Cyngor wedi rhoi ystyriaeth briodol i gostau ariannol y cynnig. Mae'r ddogfen ymgynghori yn datgan bod gan Ysgol Gynradd Coed Y Brain gapasiti sy'n bodoli eisoes i ddarparu'n llawn ar gyfer yr holl ddisgyblion o Ysgol Fabanod Cwm Glas ar hyn o bryd ac yn y dyfodol, ac felly bod angen y buddsoddiad pellach lleiaf. Byddarbedion yn cael eu gwireddu trwy gynnal a chadw un safle sy'n elwa ar sgôr effeithlonrwydd ynni gwell.

Mae'r awdurdod lleol wedi darparu Asesiad o'r Effaith ar y Gymraeg fel rhan o'r cynnig hwn.

Mae'r awdurdod lleol wedi darparu Asesiad o'r Effaith ar y Gymuned fel rhan o'r cynnig hwn. Mae'r awdurdod lleol yn nodi bod y ddwy ysgol yn rhai cyfrwng Saesneg, ac yn rhagweld y bydd y cynnig yn cael effaith fach iawn ar y cynnig cyfrwng Cymraeg ar draws y fwrdeistref, ac mae hyn yn rhagdybiaeth resymol.

D.S. Mae Estyn yn rhoi ei farn ar sail rhinweddau cyffredinol cynigion trefniadaeth ysgolion yn unig, ac nid yw'n gwerthuso'r Asesiad o'r Effaith ar y Gymraeg na'r Asesiad o'r Effaith ar y Gymuned.

Agweddau addysgol ar y cynnig

Mae'r Cyngor wedi ystyried yr agweddau addysgol ar y cynnig trwy amlinellu manteision darpariaeth ysgol gynradd dros ddarpariaeth ysgol fabanod. Amlinellir y manteision o dan y cwricwlwm, ansawdd yr addysgu a datblygiad proffesiynol. Mae'r ymgynghoriad yn awgrymu y dylai safonau wella o dan un weledigaeth, byddai parhad esmwythach yn y ddarpariaeth a mynediad at ystod ehangach o weithgareddau cyfoethogi.

Mae'r ymgynghoriad yn awgrymu y bydd darparu cyfleoedd cynyddol i ddysgu ochr yn ochr ag ystod oedran ehangach o gyfoedion yn gwella lles ac agweddau at ddysgu ar draws y ddau leoliad. Yn ychwanegol, byddai disgyblion yn elwa ar ystod ehangach o weithgareddau allgyrsiol a gofal ysgol cofleidiol.

Mae'r ymgynghoriad yn amlinellu manteision canfyddedig dysgu o dan un tîm rheoli. Mae'r awdurdod lleol yn honni y bydd y manteision hyn yn deillio o arweinyddiaeth unedig y cwricwlwm ac ansawdd yr addysgu a'r dysgu o dan un cynllun datblygu ysgol gyfan. O ran parhad ar gyfer dysgwyr ar draws y sector cynradd, mae hwn yn ddatganiad rhesymol.

Nid yw'r ymgynghoriad yn gwneud sylw ar adroddiad diweddaraf y ddwy ysgol gan Estyn, ond mae'n darparu dolen at wefan Estyn. Arolygwyd Ysgol Fabanod Cwm Glas ddiwethaf yn 2017 ac Ysgol Gynradd Coed Y Brain yn 2023. Nid yw'r naill adroddiad arolygu na'r llall yn amlinellu unrhyw ddiffygion difrifol.

Mae'r awdurdod lleol wedi ystyried effaith y cynnig ar grwpiau bregus trwy gwblhau Asesiad Effaith Integredig llawn. Mae'r asesiad yn ystyried effaith y cynnig ar yr holl nodweddion gwarchoddedig, ac yn nodi bod Ysgol Gynradd Coed Y Brain yn hygyrch i ddisgyblion a'r gymuned ehangach, ni waeth beth yw eu nodweddion penodol eraill. Mae'r ymgynghoriad yn dod i'r casgliad nad oes unrhyw effeithiau negyddol canfyddedig, ac mae hyn yn ymddangos yn rhesymol.

O ran disgyblion ag anghenion dysgu ychwanegol (ADY), mae'r awdurdod lleol yn datgan y byddai'n parhau i ddarparu cymorth ar gyfer disgyblion ag ADY. Mae'r awdurdod lleol hefyd yn datgan ei bod yn annhebygol y bydd y Ganolfan Adnoddau Anghenion Arbennig yn Ysgol Gynradd Coed Y Brain yn cael ei heffeithio gan y cynnig hwn. Mae'n ymddangos bod hyn yn briodol.

Mae'r Cyngor wedi ystyried effaith y bwriad hwn i gau ar y gymuned leol. Mae'r ymgynghoriad yn datgan, gan fod Ysgol Fabanod Cwm Glas yn ysgol sy'n bwydo Ysgol Gynradd Coed Y Brain, y bydd yr effaith ar ysgolion cynradd lleol eraill yn fach iawn. Mae hwn yn ddatganiad rhesymol. Mae'r Cyngor yn datgan hefyd bod defnydd gan y gymuned o'r ddwy ysgol yn gyfyngedig ar hyn o bryd. Os bydd y cynnig yn mynd yn ei flaen, mae'r Cyngor yn datgan y bydd adeilad Cwm Glas yn cael ei flaenoriaethu ar gyfer y Gymraeg a defnydd gan y gymuned leol yn y dyfodol.

Adroddiad wedi'i baratoi gan:

Tîm Cymunedau Cynaliadwy ar gyfer Dysgu
Cyfarwyddiaeth Addysg a Gwasanaethau Corfforaethol
Cyngor Bwrdeistref Sirol Caerffili
Ty Penallta
Parc Tredomen
Ystrad Mynach
CF82 7PG

Ysgolionyr21ainganrif@caerffili.gov.uk